

أنا والحظ



ساعات باسرح واروح لمكان

بعيد عن كل أوجاعي

وأتدارى ورا ضحكة

تخبي كل أحزاني

واصبر نفسي بالمكتوب

واقول بكرة هتتعديل

أكيد لازم هيجى اليوم

وأحوالنا هتتبدل

وتيجى لحظة مش فارقة

أرتب فيها أوراقى

يدق القلب ١٠٠ دقة

وأتصالح مع حالى

واشوف انا من بعيد النور

فأجري له ٢٠٠ خطوة

بببقى شعاع ومش ظاهر

واقول أحسن من الضلمة

أكيد لازم هيجي الحظ يصلحني

ونتعاتب واقول له

يا حظ

يا ظالمني

أبوس ايدك حرام ... إرحم

ويحلف بيحي ألف يمينا

ما يبعد تاني ويسيني

ونتكم ونتصالح

ونوصل حبل ود كمان

وهاظر ضعفي قدامه

واقدم ليه كمان قربان

عشان يهدأ وعليا يحن

ويقبل حظي يتصالح

راح اعمل عند عرافة

"حجابين" لاجل ما يسامح

بقيت بصراحة متشئت

وعقلي من الجنان طافح

أنا اللي بقيت باراضي الحظ

وحظي عبيط ومش فالح

.....